



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

21 f Anselmuß Ertzbischoff vnnd Lehrer zû Cantelbelbeg in Engeland.

**urn:nbn:de:hbz:466:1-41449**

101  
Aprilis

Item zu Antisiodoro der heyligen zwen Priestern  
Martiani vnd Mamertini.

Item selige gedächenuß der Gottgeweychten Junck-  
frawen Hildegundis/ Cistercienser Ordens/ welche auch  
Iosepha genant ward.

f xj. Calendas Maij.

Der XXI. tag im April.

Anno Dñi  
320.

**I**n Persien ist heut der Geburtstag des heyligen  
Bischoffs vnd Marteners Symeonis / welcher  
auf befehl Saporis des Persischen Königs ge-  
fangen/ mit Eysen beladen/ vnd als er die Sonnen nicht  
anbeten wolte / sonder den H. Erren Iesum mit freyer  
vnd bestendiger stutt bekennet / ward er erstlich inn der  
gefengnuß gepeiniget / vnd endlich an einem Carfrey-  
tag enthauptet. Mit ihm seind auch ander hundert ent-  
haupt worden/ vnder welche etlich Bischoff/ etlich Prie-  
ster/ vnd die andern mancherley Ordens Gaisliche Per-  
sonen waren. Es haben auch mit ihm gelidten die für-  
treffliche Männer/ Bazadis/ Abdella/ Ananias/ vnd  
Pustius/ samit seiner Tochter/ die ein heilige Junckfraw  
war.

Item zu Alexandria/ der H. Marterer Aratoris des  
Priesters/ Fortunati/ Felicis/ Syluit vnd Vitalis/ wel-  
che lange zeit mit schweren banden beladen vnd getruckt/  
auch mit hunger gepeinigt / vnd all im gefengnuß ge-  
storben seind.

Item zu Rom / des H. Pappsts vnd Marteners  
Sotheris/ welcher auß der Statt Fundis/ inn Scham-  
panien

panien geboren / vnd nach einem heyligen leben durch einen heiligern Tod (nemblich durch die Marter) zum H. Eren gefahren. Ist begraben in S. Calisti Kirchhof. Anno Dñi 177.  
Wirdt von eilichen am nechstfolgenden tag gefest.

Item in Griechenland der H. Marterer Januarij des Bischoffs / auch Proculi vnd Fausti der baiden Diaconen / vnd Desiderij des Lesers sampt ihien mitgesellen / welliche vnder dem Blütgirigen Kayser Diocletiano / nach gelidnen außervölten vnnnd wunderbarlichen peinen / die Marterkron erlangt haben.

Item in Engeland des heiligen Erzbischoffs vnnnd fürtrefflichen Lehrers Anselmi / wellicher auß den Grenzen der Longabardey vnnnd Burgund geboren / kam gen Buccum in Normandy / von wegen des hochberümbten Meisters vnd Lehrers Lanfranci / vnder demselben Prior word ein Mönch / darnach Prior selbs / vnd endtlich Erzbischoff zu Cantelberg. Hat auß Götlichem einsprechen erstlich das Fest der empfangnuß Marie zuhalten eingefest. War im leben / lehr / weiffagung vnd wunderzaiten fürtrefflich / auch vil gütes geschriben. Anno Dñi 1100.

Item eines andern H. Beichtigers Anselmi / zu Londen in Engeland / so im leben heilig vnnnd fürtrefflich gewesen / hat auch vil geschriben vnnnd Wunderzaiten gethan. Anno Dñi 1190.

Item zu Lüttich / des H. Bischoff vnd Beichtigers Wolbodons.

Item selige gedächtnuß des Pappsts vnd Beichtigers Victoris des dritten / wellicher im grossen abbruch seines leibs gelebt / vnnnd mit einem rauhen härin klaid sein Fleisch casteyet. Wann er zu Tisch saße / betrog er offte der Gäste augen mit dem daß er die Speiß anrüret / aber nit versüchet. Wann er auch zu nachts ein wenig geschlafen Anno Dñi 1084.

N v schlaffen

## Aprilis

Schlaffen / stünd er heimlich vom Beth auff / vnd bracht die vberig zeit zu mit bette / niderknien vñ wainen. Leuch- tet auch mit wunderzeichen / vnd Prophetischem Geist. Ward endlich mit Giffte getödt.

Item eines andern H. Bischoffs Viticensis / der auch Victor genant wirdt / vnd von der Wandalischen verfolgung schreibt.

Item die erhebung des heyligen Eboracensischen Bischoffs Oswaldi / von welchem weiter am 15. Weinmonats.

Item in Asia der Geburtstag des H. marterers Mar- rimini / so zur zeit Decis / nach andern gelidnen gewis- schen martern / verflainigt worden.

g x. Calendas Aprilis.

## Der XXII. tag im April.

Anno Dñi  
172. **Z**u Rom ist heut der Geburtstag des H. Pappst-  
vnd Marterers Sotheri / der inn Welschland ge-  
boren / alles was er mochte / den Armen gern mit-  
theilte / vnd in allerley grosser gefahr starkmütig blibe.  
Nach dem er aber 9. jar die Kirch löblich regieret het / ver-  
goß er sein Blüt vmb Christi willen vnder dem Kayser  
Antonino.

Anno Dñi  
288. Item zu Rom ist heut der Geburtstag des H. Pappst  
Cass inn Dalmatia / auß dem Geschlecht des Kayser  
Diocletiani geboren / ein Gottseliger Mann vnd trewer  
Hirt der Schäflein Christi / so er vber 11. jar wol geregie-  
ret vnd gewaldet / ist vnder dem gemelten Kayser gemar-  
tert worden.

Anno Dñi  
320. Item in Persien der hailigen 16000. Marterer /  
welche